



- amno2

Broj: 12-04-07-2484-4/20  
Datum: 16.03.2020. godine

BOSNA I HERCEGOVINA  
VIJEĆE MINISTARA  
SARAJEVO

16-03-2020 HITNO!

Organizaciona jedinica	Službeni broj	Wolfs broj	Broj prijete
05	02-1	852	

**VIJEĆE MINISTARA BOSNE I HERCEGOVINE**  
Generalni sekretarijat  
Sarajevo

**Predmet:** Odluka o dopuni Odluke o propisivanju dodatnih uslova za ulazak stranaca u BiH,  
*dostavlja se;*

U skladu sa Poslovníkom o radu Vijeća ministara Bosne i Hercegovine („Službeni glasnik BiH“ broj 22/03), u prilogu akta dostavljamo Odluku o dopuni Odluke o propisivanju dodatnih uslova za ulazak stranaca u BiH, uz napomenu da će vam mišljenje Ureda za zakondavstvo BiH na tekst navedene odluke biti naknadno dostavljeno.

Odluku dostavljamo radi uvrštavanja na dnevni red sjednice Vijeća ministara BiH, te razmatranja i donošenja iste.

S poštovanjem,



MINISTAR

Fahrudin Radončić

**Dostaviti:**  
1 x naslovu  
1 x a/a

**Prilog:** Kao u tekstu

Na osnovu član 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), člana 19. stav 6, i člana 141. stav 7. tačka a), Zakona o strancima („Službeni glasnik BiH“, broj: 88/15), Vijeće ministara Bosne i Hercegovine, na \_\_\_\_ sjednici održanoj \_\_\_\_ godine, donijelo je

## **O D L U K U**

### **O DOPUNI ODLUKE O PROPISIVANJU DODATNIH USLOVA ZA ULAZAK STRANACA U BOSNU I HERCEGOVINU**

#### **Član 1.**

U članu 2. Odluke o propisivanju dodatnih uslova za ulazak stranaca u Bosnu i Hercegovinu, iza stava (2) dodaje se novi stav (3) koji glasi:

„(3) Ove mjere ne odnose se na vozače i suvozače teretnih vozila prilikom obavljanja međunarodnog transporta robe u drumskom saobraćaju, kao i posade i kabinskog osoblja vazduhoplova čije je kranje odredište Bosna i Hercegovina. U slučaju međunarodnog tranzita prevoza robe drumskim putem boravak posade teretnog vozila u Bosni i Hercegovini se ograničava na najviše 12 sati.“

#### **Član 2.**

Ova Odluka stupa na snagu danom donošenja i objavljuje se u „Službenom glasniku BiH“.

VM broj \_\_\_\_\_/20

\_\_\_\_\_. godine

Sarajevo

**Predsjedavajući**

**Vijeća ministara BiH**

**dr.Zoran Tegeltija**

## **OBRAZLOŽENJE**

### **I. PRAVNI OSNOV**

Pravni osnovi za donošenje Odluke sadržan je u članu. 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), prema kojem Vijeće ministara BiH donosi: odluke, zaključke i rješenja, usvaja nacрте i prijedloge zakona, analize, informacije i druge akte.

Članom 19. stav 6., i članom 141. stav 7. tačka a), Zakona o strancima („Službeni glasnik BiH“, br 88/15), propisano je da Vijeće ministara Bosne i Hercegovine može, pored ostalog, propisati dodatne uslove za ulazak stranaca u BiH kada to zahtjevaju razlozi zaštite javnog zdravlja u BiH.

### **II. RAZLOZI ZA DONOŠENJE ODLUKE**

U skladu sa preporukama epidemiologa i Svjetske zdravstvene organizacije zatraženo je od Ministarstva sigurnosti BiH da se predlože dodatni uslovi za ulazak stranaca u BiH kako bi se spriječilo širenje i suzbijanje zaraznih bolesti, odnosno korona virusa – COVID - 19. Pored toga, preporuke epidemiologa i Svjetske zdravstvene organizacije, također su potvrdile obavezu postupanja nadležnih organa po ovom pitanju.

U skladu sa navedenim, Ministarstvo sigurnosti BiH je u skladu sa Zakonom o strancima pripremlilo prijedlog Odluke o propisivanju dodatnih uslova za ulazak stranaca u BiH, koja je usvojena na 04. vanrednoj sjednici održanoj Vijeća ministara BiH održanoj 15.03.2020. godine.

Inicijativom Ministarstva komunikacija i transporta BiH broj 01-50-790-3/20 od 16.03.2020. godine predložena je dopuna odluke, te je u skladu s tim Ministarstvo sigurnosti BiH pripremlilo prijedlog Odluke o dopuni Odluke o propisivanju dodatnih uslova za ulazak stranaca u BiH.

### **III. OBRAZLOŽENJE ODLUKE**

Članom 1. Odluke propisuju se dopunski uslovi, koji se odnose na:

„(3) Ove mjere ne odnose se na vozače i suvozače teretnih vozila prilikom obavljanja međunarodnog transporta robe u drumskom saobraćaju, kao i posade i kabinskog osoblja vazduhoplova čije je kranje odredište Bosna i Hercegovina. U slučaju međunarodnog tranzita prevoza robe drumskim putem boravak posade teretnog vozila u Bosni i Hercegovini se ograničava na najviše 12 sati.“

Članom 2. propisuje stupanje Odluke na snagu.

### **IV. POTREBNA FINANSIJSKA SREDSTVA**

Za provedbu ove odluke nije potrebno izdvojiti dodatna novčana sredstva iz Budžeta institucija Bosne i Hercegovine.

BOSNA I HERCEGOVINA  
FEDERACIJA BOSNE I HERCEGOVINE  
**FEDERALNI ŠTAB/STOŽER CIVILNE ZAŠTITE**

БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ  
**ФЕДЕРАЛНИ ШТАБ ЦИВИЛНЕ ЗАШТИТЕ**

BOSNIA AND HERZEGOVINA  
FEDERATION OF BOSNIA AND HERZEGOVINA  
**FEDERAL HEADQUARTER OF CIVIL PROTECTION**

Broj: 12- 40-6-148-8/20  
Sarajevo, 17.03.2020. godine

Na osnovu člana 108. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br: 39/03, 22/06 i 43/10), te člana 18. Poslovnika o radu Federalnog štaba civilne zaštite broj 11-49/1-483-3/11 od 26.10.2011 godine i 12-02/10-542-4/17 od 04.10.2017. godine i Odluke Vlade Federacije Bosne i Hercegovine o proglašenju nesreće uzrokovane pojavom koronavirusa (COVID 19) na području Federacije BiH, V. broj 408/2020 od 16.03.2020. godine, Federalni štab civilne zaštite, donosi

#### **N A R E D B U**

1. Federalni sanitarni inspektor dužan je da vozaču vozila u međunarodnom transportu, po dolasku u Bosnu Hercegovinu, na graničnom prijelazu na području Federacije Bosne i Hercegovine izdati rješenje o stavljanju pod zdravstveni nadzor i izolaciju za vrijeme trajanja boravka u Bosni i Hercegovini koje vozač vozila u međunarodnom transportu navede, a najduže do 14 dana.
2. Vozač vozila u međunarodnom transportu koji nije državljanin Bosne i Hercegovine dužan je da izolaciju provede u vozilu.
3. Vozač vozila u međunarodnom transportu koji je državljanin BiH, dužan je izolaciju u trajanju od 14 dana ili do odlaska na narednu vožnju provesti na adresi prebivališta ili drugoj adresi koju sam odredi prilikom izdavanja rješenja o izolaciji. Vozač kojem je određena mjera izolacije, prilikom odlaska na narednu vožnju, dužan je posjedovati Potvrdu o angažovanju vozača, sa navedenim datumom i vremenom početka angažovanja, kojom dokazuje poštovanje mjere izolacije. Potvrdu o angažovanju vozača izdaje ovlaštena osoba prijevoznika.
4. Ukoliko je riječ o vozaču vozila u međunarodnom transportu koji je državljanin Bosne i Hercegovine sa prebivalištem na teritoriji Republike Srpske, odnosno Brčko distrikta Bosne i Hercegovine, federalni sanitarni inspektor je dužan donijeti rješenje o zdravstvenom nadzoru i izolaciji i o tome obavijestiti Republički inspektorat Republike Srpske, odnosno Inspektorat Brčko distrikta Bosne i Hercegovine, radi preduzimanja daljnjih mjera iz njihove nadležnosti.



5. Poslovni subjekt koji koristi usluge međunarodnog transporta u saradnji sa vozačem koji nije državljanin Bosne i Hercegovine, na lokaciji utovara ili istovara robe, osigurava boravak vozača tako da vozač minimalno napušta vozilo uz poštivanje svih preventivnih mjera i mjera dezinfekcije i o tome daje odgovarajuću izjavu ovjerenu od poslovnog subjekta.
6. Federalni sanitarni inspektor je dužan stranom državljaninu ili državljaninu Bosne i Hercegovine koji ima zasnovan radni odnos sa privrednim subjektima koji posluje u pograničnim područjima uz identifikacijski dokument tražiti na uvid i dokaz o zaposlenju.
7. Zdravstvena ustanova iz Federacije BiH koja obavlja prijevoz pacijenata u svrhu pružanja zdravstvenih usluga u zdravstvenu ustanovu izvan Federacije BiH dužna je Federalnoj upravi za inspekcijske poslove najaviti okvirno vrijeme i mjesto ulaska u Bosnu i Hercegovinu, te na uvid dostaviti dokaz o obavljenoj zdravstvenoj usluzi za pacijenta kojeg prevozi.
8. Ne pridržavanje mjera naloženih od federalne sanitarne inspekcije podliježe krivičnoj i prekršajnoj odgovornosti.
9. Federalna uprava za inspekcijske poslove u skladu sa uspostavljenim procedurama dostavlja izvještaj Zavodu za javno zdravstvo Federacije BiH. Zavod za javno zdravstvo FBiH dužan je jednom dnevno, za prethodni dan, dostaviti obrađen izvještaj Federalnom štabu civilne zaštite.
10. Ova naredba stupa na snagu danom donošenja.

**DOSTAVITI:**

- Ministarstvo civilnih poslova BiH,
- Federalna uprava za inspekcijske poslove,
- Krizni štab Federalnog ministarstva zdravstva,
- Krizni štabovi kantonalnih ministarstava zdravstva,
- Zavod za javno zdravstvo Federacije BiH,
- a/a

